


CELEBRACIÓN DO DOMINGO EN OS COTOS

21-22 de abril do 2018

Cristo Bo Pastor

IV DO TEMPO DA PASCUA



OS COTOS COA IGUALDADE VERDADEIRA DAS PERSOAS,
CO POBO DE SIRIA QUE SOFRE UNHA GUERRA INJUSTA,
COS REFUXIADOS E MARXINADOS DA SOCIEDADE
E COA NATUREZA MALTRATADA POLOS INCENDIOS



1.- ENCONTRO DA COMUNIDADE

(tod@s de pé)

@ monitor/a está na sé

CANTO 🎵 n° 82 A Cristo cantamos

SAÚDO DE BENVIDA

Celebrante

Benvidos sexamos todos a este encontro. Reunímonos coma comunidade no nome do Pai, e do Fillo e do Espírito Santo.

Neste cuarto domingo da Pascua, que hoxe celebramos, a igrexa preséntanos tradicionalmente asociada a Cristo unha imaxe gustosa, a do Bo Pastor. Unha imaxe que todos debemos e queremos imitar: como Cristo queremos vivir a preocupación mais xenuína e xenerosa polos demais, polos que comparten a nosa fe e polos que pensan, cren ou viven diferente.

No ciclo de lecturas deste ano contemplamos ademais unha característica propia desta imaxe de Cristo: o que dá a vida polas ovellas. Queremos, como Cristo proclamar que nos importan os demais, que nos importa o mundo no que vivimos, que todo e todos nos importan e son importantes, e que estamos dispostos a ser quen de dar a vida para demostralo, día a día, dándonos, regalándonos nos mesmos aos demais.

ACOLLIDA DA AUGA

Fixemos memoria do noso bautismo na celebración da vixilia pascual. Alí compartíamos a auga de toda a comunidade dos Cotos, e agora aquí ante esta auga de vida que nos une en parroquia, queremos lembrar os compromisos, queremos sentirnos confiados en Deus. El é un Pai que nos acolle coma os seus fillos, queremos deixarnos bendicir agora coa vida coa que nos agarima.

Achegámonos e renovamos o noso confiar en Deus santiguándonos coa auga ou co xesto da aspersión

♪ n° 81 *(pode cantarse A auga do Señor)*

Celebrante Agradecemoslle a Deus os dons da vida cos que El nos agasalla, e facémolo dicindo

BENDITO SEXAS POR SEMPRE SEÑOR

Monitor/a

- * Deus creador de todas as cousas, que pola auga e o espírito, nos fixeches renacer á vida do evanxeo
- * Xesús, Ti que convidaches á primeira comunidade a ser testemuña anunciando o evanxeo a todas as xentes
- * Espírito Santo, que fas renacer á Igrexa pola alento da Pascua, e que nos convidas a ser auga viva

ORACIÓN PROPIA DO DIA

Celebrante rematamos a primeira parte da celebración orando, presentando a Deus as nosas preocupacións, tamén os medos e as vergonzas sirias.

(silenzo)

Deus de eterna misericordia, lévanos á alegre asemblea do teu fogar. Que cheguemos, malia nosa debilidade, a onde entrou xa Cristo, o noso Bo Pastor, que, Resucitado, vive e reina por sempre eternamente

2.- PROCLAMACIÓN DA PALABRA DE DEUS

(sentad@s) a palabra de Deus proclámase dende o ambón

Celebrante A Pascua é vivir no estilo dos bautizados, é seguir as pegadas do Bo Pastor, é escoitar a súa voz, é crer naquel que está disposto a dar vida e a darnos a vida. Co Resucitado nacemos a unha nova á beira de Deus. Escoitemos.

No Leccionario B páxina

LECTURA

LECTURA DA PRIMEIRA CARTA XOÁN

♪ n° 3 *Unha xuntanza de amor*

SALMO

(en pé) No Leccionario B páxina

EVANXEO

PROCLAMACIÓN DO EVANXEO DE SAN XOÁN

(sentad@s) gardamos uns instantes de silenzo para acoller a palabra no corazón

PROFESIÓN DA FE

Celebrante Neste tempo da Pascua, deixámonos alumar pola luz da fe que recibimos no bautismo e proclamamos coas nosas voces o que pregoamos na celebración da vixilia pascual

♪ **SI, CREEMOS**

Monitor/a

Credes en Deus, Pai e Nai de todos os homes e mulleres, que nos agarima coas súas mans abertas e cheas de tenrura?

SI, CREEMOS

Credes en Xesús Cristo, o seu fillo benquerido, sempre disposto a acoller e a dar unha man para mellorar a vida dos demais?

SI, CREEMOS

Credes no Espírito de Deus, que nos alenta esperanza para soñar con outro mundo máis acolledor, que nos alenta forza para berrar ante as inxustizas, que nos alenta amor para coidar da nosa Terra?

SI, CREEMOS

Credes na Igrexa, unha Igrexa que se fai crible en comunidade, dando unha man para facer do mundo e da natureza fogar coidado no que todos os homes e mulleres son respectados?

SI, CREEMOS

(en pé) ORACIÓN UNIVERSAL

Celebrante *Irmáns e irmás, saiamos ao encontro con Deus e con Cristo Resucitado, recemos dicindo*

Señor da vida, escoita a nosa oración

Monitor/a

- Polos bispos, presbíteros e diáconos da igrexa, pra que á imitación de Cristo, bo pastor, vivan con xenuína preocupación pola salvación de todos, oremos
- Pidamos para que nas nosas familias saibamos acoller as chamadas de Deus e xermolen as sementes dunha vida consagrada ao servizo da igrexa, oremos.
- Supliquemos polos que non atopan en nós palabras e exemplo que os guíen, para que poidan atopar en Cristo mesmo quen os leve por camiños de dignidade e felicidade, oremos
- Para que na nosa sociedade poderosa abunden homes e mulleres que non calen ante mortes silenciosas como as de Siria, porque tampouco Xesús había calar ante tamañas barbaridades, oremos.

Celebrante *Quédate, señor, connosco, e non nos deixes calar ante os homes e mulleres que ven atropellada a súa dignidade. Quédate con nós, ti, Bo Pastor, que vives e reinas Resucitado por sempre eternamente, amén.*

3.- OS SIGNOS DA COMUÑÓN CON DEUS E COA COMUNIDADE

NOSO PAI

Celebrante Rezamos xuntos, escoitando a voz de Cristo,
Bo Pastor, pedindo ao Pai o don de amar ao xeito do
Resucitado

NOSO PAI ...

SIGNO DA PAZ

Celebrante O camiño da vida se nos descubre como
camiño para toparnos con Cristo Resucitado, que
nos saúda coa paz. A sinceridade do noso xesto dará
a medida da calidade do noso encontro con Deus.

Nun berro calado por todas as persoas que en Siria
non poden hoxe vivir dignamente, démonos, nós, a
paz coma irmáns

CANTO 🎵 *nº 36 Fagamos a paz irmáns*

COMUÑÓN

Celebrante: Pola man dos apóstolos facíanse moitos
signos e aquela primeira comunidade botaba a
andar seguindo as pegadas do Bo Pastor. Nós
compartimos unha mesa en comunidade como
signo dunha vida toda ela compartida, no que
temos, no que somos, no que amamos, no que
valem. Ditosos nós convidados a esta festa da
Pascua do Señor.

CANTO 🎵 *nº 55 No colo da miña nai*

4.- AVISOS E DESPEDIDA

ORACIÓN FINAL

Celebrante

Señor, olla con bondade ao teu pobo;
ti que nos renovaches con estes misterios pascuais,
fainos chegar aos pastos verdecentes do teu Reino.
Pedímoscho a Ti que vives e reinas por sempre
eternamente.

*Con Xesús Resucitado queremos poñer LUZ de vida
na nosa comunidade, no noso rural, coas nosas xentes,
aínda que ás veces nos sintamos esquecidos.*

*Con Xesús Resucitado queremos ser AUGA viva que
farta as sedes de xustiza de todas as persoas que non
son respectadas por pensar, crer ou vivir diferente.*

*Con Xesús Resucitado queremos ser PAN compartido
arredor da mesa que nos fai comunidade, facéndonos
cribles en Os Cotos e para toda a Igrexa.*

Que o Señor da PAZ, o BO PASTOR RESUCITADO,
nos bendiga,†
nos garde de todo mal
e nos leve á vida eterna. Amén

Avísase das misas (ver folla do mes)